

徐氏宗譜

卷

三二

像 題贊 傳

第貳拾世近臣支文蔚




上海图书馆

登记号码


00912227




912227



宋太宰
諱處仁公像




宋太宰諱處仁公像




宋太學士
公卿


宋嘉禾令 諱 彥明公像



宋嘉禾令
彥明公像





宋徽宗皇帝
趙佶公刻




明州大夫 諱倫公像





後氏身譜
卷二


明贈工部主事諱煜公像



卷之二


像


四



此類古碑古書皆以文辭


明贈資善大夫諱澁公像






周禮有善大夫韓鼎公卿

明奉直大夫 諱 榘 公 像



余氏宗譜

卷二 像



明本直大...

明州司馬諱樟公像





余氏宗譜

卷二 像

二



徐氏公詩



明州別駕諱濟公像




徐氏宗譜
卷二
八



明憲副諱鷓公像





像



徐氏宗譜


明贈知州諱應登孝友先生像






徐氏宗譜
卷二
徐氏宗譜
卷二

明封大司馬
諱
應奎公像



卷之三十一

像



徐氏宗譜

明廣東海慶州知州 諱
文治公像



卷之三


像

三

徐氏宗譜

卷二


十一




明光祿寺署丞
國朝贈奉直大夫

諱

光治公像






Blank area with vertical lines, possibly containing text that is obscured or faded.

傳叙奉直大夫
編次宗公對

水滸香澤派


明山東巡撫追贈兵部尚書
國朝賜謚烈愍公像





徐氏宗譜
 徐氏宗譜
 徐氏宗譜

徐氏宗譜
 徐氏宗譜
 徐氏宗譜



大清誥贈承德郎諱昌治公像



大清

象



明驃騎將軍諱同貞公像




像

十一


徐氏宗譜

卷二



大清奉直大夫 諱升貞公像






大清翰林院編修
諱
煥然公像






大清贈朝議大夫
諱廷珂公像





大書領贈諸大夫
 精 武 研 公 翁




位三公遺像





清授中憲大夫候補知府署
蘇州管糧通判諱維鑑公像






此州著述
 中憲大夫
 刑部尚書
 公府

忠愍公遺像





嚮五公遺像






清封奉政大夫副貢冲甫公諱師謙像



高桂奉直大夫隔貢中東公
翰祖廟



徐氏宗譜卷二

第貳拾世近臣支文廟珍藏

題贊

擇之太宰徐公像贊

諱處仁

張文中

惟志正惟學醇乃能允文允武相厥乃聖乃神憶昔
南渡政事維新惟公輔弼一代名臣感君仁孝宜緜
行乎百世之麟振

德光徐公贊

諱彥明

張文中

維學純粹維貌溫和發為善政著績嘉禾積德昌後

雲初衆多武原鼎族華裔巍峩

仲魁徐公贊

諱秉元

元進士

文允中

因公之子見公之真魁梧瀟灑恍乎神人吾以是卜
其平生自非卓犖不羣之士殆亦葛天無懷之民

雪坡徐公贊

諱倫

明禮科給事

張甯

敏爾夙成蘊清廟明堂之器允矣廉能專一郡司牧
之寄名先仕版種德優異叨開國之鄉賢擬將來之
光裕

贈耕樂徐公詩

諱顯

庶吉士

文璧

業守遺安懶出村無榮無辱飽饗飧秋登早已輸官
足爛醉茅柴臥竹根

贈雲樵徐公詩

諱暹

張甯

短斧長柯寄此身乘閒欲與鹿為羣千林歷盡不知
日兩屐躡來都是雲石上烟霞長自坐檐頭風月許
平分束薪換得松花釀時約漁翁醉夕曛

定溪徐公贊

諱灑

張文中

敦倫尚俠積德累仁慶流厥後世挺名臣秩贈資善
尤稱其人

肩虞徐公贊

諱從治

張文中


學兼文武治並恩威削平妖亂洞悉戎機登州已陷
萊城復圍抗疏上告心與事違孤城困守視死如歸
睢陽忠義青史垂徽

觀周徐公贊

諱昌治

張文中

聖賢所重位祿名壽食餼於庠斗祿已受鄉薦馳封



品位亦有其名維何著書垂後壽躋九十台背黃耇
奚德臻此原本孝友今瞻遺容想見忠厚

伯圍徐公贊

同貞

張文冲

特已敬事君忠司刑平反本和衷運逢百六難爲矣
避世還能慎始終

題誠定徐公像

諱宗肇

吏部侍郎

彭孫適

代父貢天庠勤勞體受傷天年難再假壯志未舒揚
婦矢柏舟咏刑于化孔彰佳城安且固報德有賢郎

佑啟慈孫貴門閭漸發祥至今數傳後流慶正延長

君階徐公贊 諱升貞 吏部侍郎 彭孫適

處為醇儒出為循吏至誠感神除弊興利摘奸平反

虎渡記異清風兩袖永錫爾類

晉叔徐公贊 諱煥然 錢陳羣

抱謫仙才具坡翁質翰苑蜚聲彤庭珥筆玉尺衡才

得士多吉游藝詩畫抗希摩詰文臣華國間世一出

贈湖濱徐公詩 明訓導 陸安

千章細柳傍湖濱十二欄干影碧粼更喜樓臺先得
月晚涼吟坐岸綸巾

贈慎靜徐公詩

諱全

通判

顏

吉

君子兢兢慎隱微一腔天地豈容私幽齋日與神明
伍舉世塵囂總不知

誠裕徐公贊

諱宗嗣

鄭吾核

其面也方其貌也莊其性也鯁直其心也慈祥理家
也勤而儉接人也溫而良暇或撫調琴瑟醉或吟咏

後山詩
卷二
風光噫嘻永樂乎無疆

贈玉厓徐公詩

諱瓊

庶吉士

倪宗正

黃道湖水白如玉雪月相輝湖水曲湖邊丈人心自
清茅屋蕭蕭數竿竹湖水屋前漾玉沙玉沙坡沲高
作厓閒鷗雙鷺飛不去自是丈人忘機處

贈南澗徐公詩

諱瑤

都憲

夏從壽

南山澗上舊人家灌溉邱園景物華一派清光連皓
月幾迴紅艷照晴霞松根石冷紛珠屑蘭草春香長

玉芽餘慶津環門徑遠白頭倚杖看延瓜

贈北洲徐公詩

諱珊

餘姚知府

倪本端

主人家住洲之北半是漁家半是農黃犢曉烟芳草
長白鷗晴日野花穠雨聲淅淅收魚箔月色涓涓啓
鶴籠香稻熟時滋味好漫看秋水下吳淞

霽菴徐公贊

諱煜

刑部尚書

鄭曉

公之質任敦樸行誼有聞宗黨推其仁鄉閭服其善
是宜歆此綸榮所當游迓休貺

東溪徐公贊 諱烈

董穀

望之肅肅卽之雍雍其志剛果其氣春容軒冕輕於

敝屣布褐重於山峯繼嗣竇氏芳桂傳家龐公遺風

嗚呼偉哉徐翁偉哉徐翁

君綸徐公贊 諱文治

張文中

眉疎目爛氣爽神清可卜文思俊逸治行廉平果然

名魁浙右績著新城惜乎長才不展而小鮮是烹卽

遷州佐亦未罄其生平

主田徐公贊

諱楷

平湖

許連溪

潛心經史學擅時譽惜少賢嗣幸有良繼

兩山徐公贊

諱榘

太史

唐順之

萬卷胸藏五車並富巍掇應天南宮垂翅初令望江

人歌名杜倅我毘陵賢哉大父署權吳關口碑載路

薦實方騰歸辭亟賦高尚多年耆英遐播後嗣駢蕃

永昌閔氏

前溪徐公贊

諱相

許連溪

公直處已勤儉營家課子賓賢肯堂肯構雖未能躬
逢其盛猶得以克昌厥後

兩溪徐公贊

諱樟

布政司叅政

馮臯謨

德厚其積鍾兩硤之元精仕報其國為一路之福星
卓乎德嗣繁錫將來天陞先登


兩湖徐公贊

諱濟

陝西御史

董鯤

公之學持滿而溢公之行鄉間表率胡為乎爵不酬
德壽猶嗇乎七秩吁嗟已矣惟恃箕裘之永襲而雲



仍之赫奕

贈兩湖徐公詩

許連溪

東湖毓秀接西湖雲影天光景物多
秋日芙蓉紅映水春隄楊柳綠生波
仰瞻玉樹凌霄漢佇看青山入畫圖
西北祥雲呈五色恩光指日耀東吳

近湖徐公贊

請直

朱其朴

邃古先民黃湖逸叟德厚流光根深葉茂
一子承前諸孫啓後

龍涇徐公贊

諱浩

湖廣道御史

董學

魁梧奇偉先生之形光明正直先生之心胸羅星斗

守嚴瓶城惜乎珠媚於澤蘭香於庭先生其伏龍耶

鳳雛耶宜錚錚於州里矯矯於士林

又

朱朴

丰姿雄偉儒林高流延賓有孟嘗之風待姪如已子
之厚時常笑傲乾坤依稀乎半百年壽

賓山徐公贊

諱縉

兵科給事中

許相卿

早擅明經晚登仕籍孰爲圭璋藝我黍稷風高碧甲
派行鵝湖邈哉德人與天爲徒

贈豐南徐公詩

諱鳳

失名

卜宅山陽養浩然俗塵遠卻亦神仙閒隨鶴鹿搜詩
句醉裡無妨自在眠

前峯徐公贊

諱鶴

大學士

李春芳

雄文無古質行無今教藹蘇湖才籠參苓秉憲荆南
濂溪孝肅勇退急流豐陽秦麓桓桓其武溫溫其玉

少瀛徐公贊

諱應登

刑部主事

濮陽春

惟山有靈豹隱少瀛渾金璞玉載其明文不扇不爐
盲史義經馳聲上苑問字盈庭孝友天植月旦自評
視民不佻爵引上尊學開弓冶德產鳳麟秩以子貴
厥報宜申

星魯徐公贊

諱應奎

翰林院編修

張瑞圖

古道禔躬坦衷踽步白首一經窮年閉戶玉樹蜚聲
金莖入賦被服恩綸不殊寒素宗黨以之有室有怙

寧必有餘割產而赴宜爾方來永綏福祐

見溟徐公贊

諱可適

刑部尚書

鄭曉

碩兮翁德宏兮翁才七獻不售天心孤危用建乃家
而康而裕俾以為國胡莫不傳君子哉惠濟無窮哲
人乎昌熾何隆吾道可允嗣諸後封

學山徐公贊

諱可上

兵科給事中

許相卿

孝德天成真修性植執腸急難厚誼噓吸姜被常香
何有笥綾篋帛田荆不析奚誇推梨讓栗邈哉德人

與古為匹

穉山徐公贊

諱可聘

大學士

洪瞻祖

幼負穎資趨庭式穀擷芳蒐潤珠璣萬斛惜茲英傑
壯年泣玉碩抱未酬雅志敦睦宗女代嫁羅綺紈縠
有嬰罹難勤斯顧復諸所調乏希文可續厚誼高風
鳴於空谷

存門徐公贊

諱可成

彭孫貽

早入郡庠霜蹄屢蹶於場屋繼遊國學英賢遽喪於

京都幸矣哉令子賢孫爲徐氏之伏龍鳳雛

端怡徐公贊

諱可行

通政司叅議

姚思仁

公之嗜學耄耄修文公之甘約冰蘖彌貞皤顏鶴髮
儼然大賓正樂道之冲襟高士之後塵歟

五山徐公贊

諱蘭

布政司叅議

卜相

經擅包羲官聯苜蓿曳裾王門春風可掬桃李旣繁
槐黃柳綠振起乃家耕耨惟讀作者七人孰媿芳躅

贈孟勳徐公詩

諱光治

翰林院侍講

宋衡

徐氏宗譜 卷二
一門忠與孝東海產異人仲氏獨通顯忠勲垂千春
伯也隱不仕拳拳奉慈親乃知自天性終身矢吾誠
時看老萊舞莫問綵袍新

聚湖徐公贊

諱登高

查志隆

公秉質兮不渝堅貞公敦行兮不忘溫清公修祖塋
而植子弟兮不忝爾祖大夫之典型

心亭徐公贊

諱洪訓

太常寺少卿

陳與郊

公席世貲萬石君之醇公處大廷文潞公之肅年甫

踰強仕而誦遺芳者擬王晉公之槐秩不過州幕而
泣遺愛者幾冠雷陽之竹

玉海徐公贊

諱道成

廉憲

姚之光

秉質嶷洪才氣橫穹壯志未展匡懷切衷不卑三就
政績攸隆仁心爲質琴鶴偕同旣遷徵仕恬止林中
坐竹幃花吟高談雄一生懿行清雅素風

岱輿徐公贊

諱鼎臣

刺史

胡震亨

偉哉岱翁矯矯人龍面如滿月色映春容塵談霏屑

音亮而雄冲年捷英獨步巒宮花萼相輝棠棣聯叢
持已儉約孝友攸宗與物無忤仁恕有功傳經淑子
買犢明農斯文首倡振起頽風

若耶徐公贊

諱翰臣

孝廉

朱廷獻

厚矣翁德嗣世卜其餘慶高矣翁義宗黨企其懿行
孝友天成直方秉性翹仰祖父兮種善乎幽冥竚聽
孫子兮蜚聲乎瓊林

惠菴徐公贊

諱孚貞

彭孫貽

邈焉先生豹隱龍遁早丁孤孽式揚令問以悌恪暴
以恭弭釁學積售晚名高遇困孝也何忝廉而靡溷
聲馳京輦跡絕州郡一畝之宮長臥無悶戶履恒滿
家釀傾醞居約若豐遘拂不愠亦夷亦惠時厄時巽
其人可作其軌莫近愧鮮令辭用彰幽蘊

慕梅徐公贊

諱洪恩

國子監祭酒

陳懿典

秀外惠中閭然懷玉業擅賢關名叅郡牧何方通籍
遽爾不祿遺德遺風式於姻族鼎立三賢繩繩芳躅

冲宇徐公贊

諱洪脩

太史

王紹隆

熙哉我公恬靜沉智玉立清風金聲鐸世天壽九秩
鶴髮顏穉綿綿相仍保福勿替

其人思洲徐公贊

諱廷傑

戶部尚書

畢鏘

壯志四方翱翔上國副尹太平鳳鸞棲棘視篆明允
天曹紀績棠蔭正叢條焉思尊民方借寇攀轅未能
知止知足惟公之評

虎侯徐公贊

諱寅

張源思

天挺英姿文壇罕有士讓先登房推解首兩中副車
庚午癸酉何復述遭年纔四九人亦有言豐才嗇壽
賴有嗣人承先啓後

階卿徐公贊

諱逢泰

進士

許令瑜

其學也博其才也敏其幼也躬親家學業馳聲乎羣
俊其老也詩興自豪寄笑歌於高枕借書一甌載酒
盈庭孝友性成月旦有評棘闈七蹶英心未平殆文
章之哲匠後學之式矜歟

際之徐公贊 諱逢盛

刺史 方岳貢

公之德泰山其特公之學滄海其積藝苑巍巍芳名奕奕身沾天餽士仰教育偉哉徐公真為人傑

惺齋徐公贊 諱景穆

蕭士鑑

問先生官卑不為薄問先生品今不異古先生藏書
雙魚勘虎先生作文縱金伐鼓名滿四海而不沾遇
躡南宮而不怒其斯為有道之儒而足祀鄉學之廡
者乎

公于徐公贊

諱于邁

吳晞淵

前朝應舉南邦是式後遇鼎遷東山不出嗚呼自非

陶靖節之流何為乎始終殊轍

默菴徐公贊

諱用亨

都察院御史

楊汝穀

汪汪者其度藹藹者其容烟霞閑歲月車轍詎西東
粹美當階玉青蒼石澗松蓬萊萬古宅咫尺海門通

序侯徐公贊

諱廷珂

舉人

張鼎

周官六行睦姻任恤末俗苛矯厚已薄物惟公肫然

古道是卒周旋族黨仁恕自律一念扶危春膏澤沸
 一言解紛和風披拂敬瞻遺像敦龐藹吉昭示後昆
 惇史載筆

位三徐公贊

諱槐廷

賜進士及第戶部侍郎

翁同龢

經明行修飭躬圭璧五十服官厯膺繁劇澤被嶺南
 民情悅懌垂裕後昆慶繇善積

公于念公贊

翁同龢

吳頌

竹齋徐公贊

諱維鑑

翰林院侍講學士

朱福詵

翳我徐公才識豪雄少年績學璠璣磨礱經綸滿腹
超軼眾中宦遊吳下清慎持躬綜覈糧餉政美譽隆
毘陵城陷奮勇從戎衝鋒摩壘卓著戰功林泉歸老
得遂初衷塵世名利視若飄蓬清標亮節松菊攸同
積厚流光蘭馥桂叢保育赤子拯恤困窮創始眾善
桑梓推崇宗祠營治追遠可風典型在望秦嶺之東

忠愍徐公贊

諱用儀

黃恩緒

追惟商橫櫂槍巨東岌岌外患莽莽內訌誤國殃民
誰首斯戎厥有三忠批鱗力攻當展不諒同實其躬
表表西浙柴市之風宗臣遺象肅肅雍雍繫何人哉
尙書徐公

嚮五徐公贊 諱用福

黃恩緒

爲善最樂其德萬民出名魚鼈利濟之宏復塘濬泖
邪許一聲安瀾永奠與海若爭良殫心膺衽席蒼生
公力强毅公貌和平式瞻遺象騎箕掣鯨萬家生佛

救世耆英

冲甫徐公贊

諱師謙

陝西道監察御史

朱錫恩

有理繁治劇之才而善刀以藏值東南烽火寇擾洪
楊桃源小隱歌聲琅琅出其緒餘惠澤施乎一方其
經濟不屑屑於一官一邑而其行詣則可祀於鄉

樹百徐公贊


諱森

陝西道監察御史

朱錫恩

猗歟先生說經鏗鏗球琳入貢名重神京一官苜蓿
宦情水清著述壽世與時無爭子姓繁衍克振家聲

載瞻遺像學養和平



耕樂徐公傳

明禮科都給事中張寧

海鹽長湖之北界有善士曰耕樂公公氏徐諱顯字
德揚濮州州大夫之孫大夫卒諸子早世家道中衰
公自豐山來遷遂定居焉耕湖上垂三十年儉樸雅
素而家漸饒至老身益閒也巾一壺充然自樂每有
超然物外之想故生平未嘗與物忤有不情事則以
理遣終身不見皺眉或問釣耕事則言或問尚德事
則言或問市價則不答或問鄉里之是非人情之長

短世事之成敗則蹙然不悅搖手罔目曰非吾
事也吾有子矣推斯志也可以經天下綱焉物齊生
死者配沈氏生二子曰惠曰全惠生而側僕碧梧翠
竹傑魁人也全亦踐履貞固石韞川藏世其業者也
享壽六十七年卒君子曰耕樂公仁者也仁者必有
後觀惠與全可以徵矣詩曰子子孫孫勿替引之其
斯之謂與

南澗徐公傳

明大司寇鄭曉

翁生而淳懿體貌魁梧廣顙豐頤見而知爲長厚人也禹疇以壽富康寧攸好德考終命爲五福翁固兼之皓髮朱顏步履強健往來數里不資筇杖享年八十有二閱甲子五百有奇壽矣翁克紹先業孳孳堂構有田地千頃廬舍千楹桑柘萬株封君之富何加焉且生長盛時吏治清平繇賦均約不識金革不近徽纒不罹險難心無罣礙非康寧耶翁天性孝友篤

于彝倫念祖合族不辭劇勤以復管山舊址其事慎
靜處士及母陸孺人率其真心左右就養處士安焉
年躋古稀不識城邑撫愛昆弟推盈取薄時出財力
曲爲補助牀第之間尤嚴矩矱元配吳氏婉淑宜家
不幸早卒悼念彌摯馮氏繼之徽音如在均愛子女
宛若鳴鳩義方之訓嚴於過庭教以詩書輔以朋傳
國士友民因材而篤宗黨交遊或有窘急存問周卹
務求贍濟下至僮奚衣食饒給包荒覆過不盡其情

年甫十八卽總鄉賦出納萬斛量槩必平下無怨言
上無逋事其用財也積而能散有負勿責有求勿吝
出穀食饑懸金掩骸慷慨施予不啻水火顧薄於自
奉恥事紛華布袍葛履終身不厭器度宏濶常善下
人卽有橫逆受而不較官府每旌善必書翁第一夏
學憲公浚沈方伯公繼美留意彰瘡皆禮敬翁亟稱
淳謹表勵鄉閭有司以鄉飲酒禮翁凡十有五年皆
辭循例授翁冠服又辭人益高翁翁之好德雖更僕

徐氏宗譜 卷三
三
難數也。遘疾彌留，形神不亂，整巾正寢，從容待期。子孫滿前，稟受治命。翁曰：百事須從寬，寬人乃所以自寬也。又曰：九世一門，自古爲難。田廬相比，溝井相望，勉爲和順，何異同居。語畢，長逝。可謂考終命矣。昔周興、卞漢舉力田翁際其時，必能致身貴顯，萬民造福。乃竟爲科目所遺，兩山及諸後昆皆秀雋，有文行，行將薦登膺仕，凡以褒揚翁者，未可量也。

兩山徐公傳

大司馬宋應昌

先生季子爲余婿余知先生亦最真按徐塩之右族

先生南澗公長子南澗公積學隱居家不貲而好禮

嘗謂先生曰人貴乎奮翮騰霄振起家聲奚取躬賦

役算雞豚齷齪轅下駒哉先生下帷寒暑不輟督學

汪試居第二與端簡鄭公相頡頏廩學宮遊南雍領

戊子鄉薦再上春官不第授望江令望地瘠民疲甫

下車濡枯潤涸與之更始朔望聚士以文行課之行

先孝友文稱爾雅士無不稟於程而穎脫者接踵矣
縣轄四河泊間歲開徵巨猾乾沒公私交困先生以
戍遣其姦課且辦而民用給有兄弟訟田累歲不解
先生明孝弟陳禮義各懷慙而退望江帖如父母畏
若神明固其所也既奏最擢常州別駕剗理游刃
施解網如其令望江而指臂屬邑五屬邑承望風猷
一時淳化先生之樹標也時繡衣使者尙維池公以
激場自任罕得當于諸下吏契先生才且廉會澣墅

權稅者憂去屬先生署其事澣聖東南利藪往來雜
沓先生不難以羨金登記申請遂以爲例一切簡易

鋤撫以故行歌居忤狡猾服匿職非部使寔爲賢部
使誰謂先生艱一第弗克竟厥施乎都人士異大用
先生至今如飢渴先生生平介持不毀方以行媚忤
於津要乘嵩賀事竣解組歸田實高致也居家謹厚
有萬石君之風因產于澤者潛與之金飲以醇酒鄉
之囂者以平恚者以懌晚年無他營惟廣延名師課

子課孫之爲惓惓云題其齋曰鷄薦後昆容有意雞
鳴上苑不關心壽躋八十逝之日無一語及生產惟
欲後人之亢其宗也意深遠矣先生屈首呶唔不家
于讀故學成矢志清白不家于官故官清席南澗之
遺成南澗之志旣能官又能子獨計南邦多士被其
治化捷得魏科指可多屈若子若孫猶斬青紫天豈
無親乎樹深而滋報大而遠植槐垂祉再世則炫佳
胤森承可需帝眷卜諸異日維壤有券

兩溪徐公傳

豐陽馮臯謨

公幼警敏累試不售戊子常州公薦公喟然曰父課
吾兩兒有兄薦足慰吾父謝棄鉛槧業織畝治生莊
事二人母吳媪蚤卒繼馮母嚴公婉婉事之獨當母
心及期當選曰吾貲卽祇升斗爾何易吾菽水哉竟
奉二人壽終殮且葬竣始謁選授宿州判官綰馬政
公家故饒衙舍人食用咸取自給間出所贏橐代輸
貧民逋兩載不染宿一錢嘗語吳孺人曰吾不能日

見宿人之殍也何忍剝其肉益我肥耶宿人聞之感
泣無不父母徐判官者會革馬政議判移他州當赴
部曰吾何卑卑僕僕途路哉公坦中夷易雖于于
怒色咄詞不加臧獲童髻暱昵白首爲歡宗姓子弟
訓誨諄復囑兒可表學曰豎子亟償我負吾俟以報
先人也可表起譽髦士間公喜有子則遣黜家務爲
良醞與二三兄弟社燕賡酬舉觴浮白歌呼嗚嗚雖
游於酒乎躬自樸約身曳敝裘垢履非宴祭不妄割

一牲然性慷慨好施予赴人之急不責其報戚族待
公舉火數十家甲辰歲飢公倡義出穀賑活數千人
院司署其門曰義其個儻任俠類如此孺人寔從與
之孺人父同安丞憶溪僅生孺人孺人少慧父丞尤
愛之擇字公公每讀書丙夜孺人從旁手女紅亦丙
夜佐公潔修進二人宇下伺得二人喜下筯乃懌父
丞歿官所長慟偕公奔其喪迎母陳養十餘年卒營
葬甚備父丞遺產直數千悉以讓吳族人子孺人非

特米塩井井握籌會算能也蓋亦諳大義焉且歲脫
簪珥捨藥里中里中兒病丐藥門纍纍至也且按方
書自製藥尤姥氏所鮮覲哉孺人與公可謂兩賢

仲兄拙逸公傳

前峯氏鷄

余爲諸生數問奇於伯兄賓山氏時兩山行鴈驪若
怡怡相勗以友相摩以道余不自覺其醇之醉薰之
襲也拙逸則嫻於先天取著爲余筮筮畢曰吾弟必
貴勉之可也迨丁未上春官得成進士如其兆而拙
逸已扶葬豐山矣其子寓書來句言也余不辭而爲
公傳公諱紳字朝佩號拙逸其先自彥明仕宋遷豐
山遂家焉七傳爲萬石長雲樵雲樵傳誠定誠定蚤

世妣王氏郡縣所載徐節婦也節婦繼子曰昌壻曰
王瑾而胤子曰晟及長號木石拙逸固木石仲子也
生有茂質朴外愿中慎步趨整衣履雖敝未嘗塗炭
平居無疾言遽色獨其痛祖母未亡人孀居垂六十
餘到於今子壻三分世業各各受芘而不得 褒恩
浹於重泉烏情飲恨恒終日夕事父木石翁母顧氏
尤極善養公常被產以奉祇求悅懌父母憐而慰曰
吾弟知一二三公耳他何所靳母嘗疽發於背羣醫

環視罔救岌岌然唯後事是圖矣公焚香籲天號泣
無已吮數十次獲更生焉時家政旁午悉稟父兄拮
据任之畧不以溷故木石翁生平十畝閒閒足不及
城市而賓山得大肆力於文學跡其所以待兄者待
弟而愛之尤篤則孝友之性天植然也姚江醫士張
大采定交於公時醫未著周恤空乏厥父母歿又割
山權厝之公隣何姓阡陌相連一歲兩侵其岸絕弗
計或諷之鳴於官曰彼心已死而吾何忍訟非古讓

畔意也後竟慚而服公素履率真不用術數不營貨
利子弟或不肖正襟兀坐終日不語鄉里不敢有不
義恐措逸徐公知也然犯而不校終其身不甚怨於
人公生成化乙未月日卒嘉靖壬辰月日卒年五十
有八子男二元配陸氏出長蘭邑庠生食齋膳次菊
邑庠生游諫議許先生門並有雋聲學者儕之二陸
云
前峯曰於乎古道不可見矣近在四五十年世變斬

爲一新諸凡儉約之風篤實之學親親長長之道無
一存者今撫拙逸公遺行庶幾存古道哉然吾概於
吮疽一事而深天之不假易也當母之卒然發難不
死僅如毫髮而焚香哀籲濱死復生非一段精誠透
徹薰蒸昭格有是耶武原有沈孝子不遇程本立先
生九年廬墓情形埋沒於荒山莽藁久矣猗與拙逸
苦節之孫用敬述之俟觀風君子採而擇焉是爲傳

前峯徐公傳

馮臯謨

公生而奇穎十四補邑弟子員好讀左屈漆園淮南
新語說苑孫武岐伯諸書操筆爲儒生文古今語間
出試有司柄鑿載浮載沉人謂公當更所好公媿快
自若發攄自得文愈奇丙午舉鄉闈明年成進士需
次得爲京朝官公恬於進取請得教授常州常畿輔
上郡而常鎮蘇松四郡稱材藪直指歲屢至輒試士
每試必屬公品第公秤量低昂犁然當于士論已酉

應江西聘爲考試官得何濤等九十五人由常州遷南國學六館士執經請業公剖析疑義各厭其意所至陶鑄多士登巍科顯仕累累而是主事都水董修大內勞最多受賜寶鏹文綺又都水責辦丹漆諸料中人意在乾沒笞督諸工匠爲奇袤公裁抑酌省無侈費監稅儀真通商便民所立規條至今爲守島夷始難閩事孔亟公往造戰艦擇人委任不靳工費而艦以堅完是時叅將俞君月港大捷則艦之力與

爲刑部郎巨奄廣罪發戍守 孝陵毀封木屬公勘

治行千金祈緩二日援者至公卽日具獄詞當大辟

其持正類此肇慶古端州土沃民椎吏恣漁獵則起

弄戈矛公首上一條鞭法疏聞於 朝頒佈諸省著

爲令在郡二年所輕徭薄賦民徭胥服徭人力耕火

耨其食自足官厲禁不得通魚鹽則剝舟毒弩伏藏


莽棘伺便抄掠公下令許得所有易所無徭人貼息

不敢騷境上副使備兵永衡郴桂壤接東粵山峒聯

絡林菁茂密爲盜窟穴流劫近地公簡練卒士嚴設
提防兵威震聳民以衽席公質性簡直內行醇篤於
書無所不闕縱筆百千言橫奔放逸而不必成一家
言爲政奉法循禮不炫飾微取時譽遇事可否有踴
踴獨行之介姻族不見煦煦而賑窮賙乏多惇倫厚
紀之事交知有在津要不通往來卒以其故見清身
致金紫服食儉素令子孫可爲法式宅偏構清溪小
隱甃石通橋結筏爲舟從子藻善謔中表湯君善飲

公旦日挾兩生夷猶花塢且謔且飲月色清佳泛舟
其中童子歌呼嗚嗚值暴悍拂忤一切等爲蚊虻網
以忍耐是豈可與淺衷狹識者道哉

以恐... 其... 公...
 其... 公...
 公...



少瀛徐公傳

吳中偉

徐之隱君子自愚遺安而定溪世世樹德定溪公伯
子爲少瀛先生恂恂寡言笑紛華不悅見異不遷攻
苦嗜學弱冠補邑弟子員小試輒高等試棘闈凡六
蹶而志益銳詣益超六經子史外秦漢諸書大學衍
義補咸廣覽深究接引後學抒胸中所得罄欵皆格
言也吾邑文學業義經者多出其門而賤兄弟生也
晚經義中疑義先生實指南焉嗣與季子君綸兄共

業朝夕切劘凡緒論奧旨有聞於季君者卽先生所
轉授也生平恬淡冲夷督課諸子晷刻必競登堂聞
咿唔之聲不雜塵囂之語識者預知其懋德懋學隆
隆而起且不營家人生計歷年館舍惟奉二人權及
友愛諸弟敢洽姻族被其容接者如襲薰如飲醇卽
狂逞不檢之徒一見而冰消霧釋則先生之坦衷和
氣陰滌其萌矣有攘他人田虛券易直先生不逆其
僞旣爲烏有亦無幾微動顏面益定溪公嘗鬻產代

償族人之逋稅今先生捐貲而不責其產誠心厚誼
依然故步也先生不欺暗室而唾面自乾不樂與淺
夫較曲直間有怙過不悛者亦正色莊語令人心折
仍無纖芥於中約而好施柔而能斷謙而不靡貞而
不抗而星歷堪輿醫方內典靡所不諳不謂篤行有
通材乃爾屢遷卜宅則又拮据木石綢繆牖戶於前
爲中興於後爲起家光裕兼之矣櫛城李邑侯採士
論延之賓飲僅一赴後屢遜謝長君次君皆英資力

學次君先先生卒季君戊子鄉薦而艱於第諸孫玉
立家聲克振旦暮可俟也享年七十有九易簣之辰
目謂季君曰汝他日無爲俗吏以善及人足慰吾矣
先生真敵樸好善存沒不渝者哉

徐五山先生傳

門甥朱元弼

先生諱蘭字子馨世爲豐山里人邑自豐山而南凡二十里所居多山多徐氏而山以大名者五故號五山學者因稱五山先生先生父拙逸公自幼以孝友聞與其兄賓山弟雙橋朝夕怡怡未嘗去左右娶於陸生先生及弟菊而卒繼室以朱者數年公亦尋卒凡先生所以奉朱及葬拙逸悉自巳未嘗與弟均卽拙逸產有無不問也蓋先生生而沉敏童而從父師

以出所見春聯屏幃以及碑刻默記以歸不遺隻字
以故先生十八遂爲邑諸生又四年而其弟並有聲
歲以周易教授里人所入脩脯腆甚悉與弟共母朱
之卒也旣葬復并拙逸與陸母改葬豐山因起訟獄
所費不貲弟特奔走之他無所問先生惟恐其或問
也時有諸生某者悍而迂二尹以徒株連先生之弟
奪諸生先生從旁申理百方不能白因棄故居而與
弟僦居城市冀令改業復念賓山雙橋又再徙而與

雙橋共居以邇於賓山厥弟亦竟以失諸生缺缺早
卒遺其室人子女並育於先生以至先生之官終無
以異先生初娶陸氏生子二繼娶李氏又生二子年
三十有五始爲廩諸生又二十五年入貢任直隸宿
州訓導者三年淮王府教授二年致仕歸歸又一年
而卒今季子行倫猶居先生所共雙橋者餘雖散處
俱不出里存先生意云

宋生曰先生伯子余之外父也余婦生三歲弟二


歲而外父溘然棄世嫠婦孤兒之仰給於先生者
衆也倘所謂醫門多疾是耶非耶余聞之先人先
生食廩之明年蓋賓山公入貢之年也學使者按
部而最先生以賓山殿賓山將不得與於貢者先
生願以其廩償之而止賓山子恥齋翁以諸生走
京師郡伯怒而奪其諸生且復罪而重困楚之先
生庭泣甚矣先生之篤於親急於難而好行其德
也天性然矣今賓山恥齋之祀旣二十載竟無一

人議爲之後者吾重有感於先生之不復見也夫
以德翰學富如先生竟老青壇而家聲迄今莫振
爲善者懼矣悲夫

復善齊謝矣悲夫

以謝辭學高取法中道多端後人以此

人謂其公好善吾前此所來也之不以見



覲周徐公傳



吏部侍郎彭孫通

公諱昌治字覲周號季純封尚書星魯公第四子也
以父兄爲師通諸經尤長於易爲諸生餽於庠棄去
入國學例授通判又棄去墨綬銅符不屑也歲壬申
兄從治授山東巡撫撫萊州爲叛帥孔有德所圍雖
竭力搯拄其勢孔亟公晝夜疾馳乞師往救曉譬反
覆聲明大義時督師劉宇烈惑於撫議境壤相接終
於左次而總鎮王洪劉國柱等陰與賊通且素恇怯

離萊一舍師潰退走公義憤填胸徧申揭狀具言督
師欺君奸弁賣國哀籲敦切惟冀萊州之解圍而我
兄之不死也南太宰謝陞見而駭之卽據揭刻奏而
事已不濟矣蓋疏在五月而殉節在四月十六日也
然奉 旨詰責劉宇烈被逮萊亦藉以全一死於王
事一勇於公義天下以是多公兄弟癸酉就南雍試
登鄉書時封公春秋高心傷其子死殉聞一破涕爲
歡而公自此亦絕意仕宦不赴公車古人所謂養志

庶幾近是又值鼎革逃於禪悅杜門著述有周易
旨通鑑燦昭代芳模等書年近九十復著金剛經解
祖庭指南諸集九十一歲而終子五長乾貞字御六
以孝友崇祀鄉賢婦朱氏以烈死豐山事俱詳通誌
公後以子升貞歷仕至戶曹郎受誥如其官配許氏
屠氏封安人

孤舟渡海人




玉海徐公傳

高承埏



徵仕玉海徐公俊人也與埏叔爲姻家知生平獨詳
祖兩山公登應天鄉薦爲常州別駕父見溟公高才
力學七次戰藝不遇公行三諱道成七歲喪考兩兄
皆邑諸生相繼卒依妣陳氏能守遺業娶鄭氏以賢
輔公授例入國學欲以繼父志其爲文也捉筆立成
有若夙構善鼓琴喜丹青尤工小楷行書而天厄其
遇也爰就府幕一任閩之漳一任粵之潮一任粵之

桂林秩雖卑治必有裨於民歸舟祇琴書伴左右終
隱不可得復轉閩之延平徵仕郎值



國朝鼎始年已逾甲倦於靡盬且好山水日與二三
知己聯情清話扶筇行歌或兀兀飲酒花間或錚錚
鳴琴竹下或倣古筆仗直逼北宋花鳥人物雕繪難
工此公正務也暇則課子弄孫而已子四長賀瑞遊
寧庠先公卒次孚先卽埏叔之壻也三鳴瑞同兄入
泮海昌四馨才學與仲叔並皆異材也諸孫森森林

立所謂不於其身必於其子孫者非耶公生於萬曆
己酉六月十七日歿於順治辛卯閏二月初十日享
年六十有七公可謂風雅人矣



君階徐公傳

公諱升貞字君階號果酣祖諱應奎誥封資善大夫
伯諱從治巡撫山東當東難之未發也公父覲周公
諱昌治以訐具聞甫上而難作宇宙惜之明年舉孝
廉覲周公生公型唐公無子遂立爲嗣壬午得子遂
讓而歸宗後旣仕援例贈型唐公爲奉政大夫公好
讀書無貴介習性好恬退不事奔競長始得補博士
弟子戊子拔貢數入南北闈甲午得而復失考授別

駕遂閉戶著書癸亥選授湖廣岳州郡通判甫下車
卽奉制臺檄攝篆澧州澧自吳逆遊兵擾亂後荆棘
瓦礫徧滿城野而且宵小時警獄訟日興公乃剔弊
搜奸豪強爲之屏息民困亦少甦矣忽一日城南火
作公急赴火所稽首虔禱而火因頓熄觀者莫不驚
嘆稱爲盛德所感云又一日泊舟新河暮有二虎躍
入舟中眈眈良久公叱之曰莫傷我吏民虎俱弭耳
曳尾捨舟渡河去世謂今人不及古豈知言哉澧署

中素有魅善爲祟歷任苦之禳之不少息自公署後
歲餘絕响後新令至復如初澧之吏民莫不嗟異焉
及還政而事績之善愛民之實澧人樹牌以志不忘
者具載州乘乙丑九月回岳十月卽委代覲丙寅調
長沙值季丁卯委督糧禁輯旗弁戊辰回署有訟人
命者自言某被某毆致死故急走以告而時甚早公
曰汝家至此凡幾里曰四十里曰旣四十里毆死而
來不踰二時非誣而何其人惶恐自服以此讞大尹

大尹不以爲然竟將某抵死會赦乃免然當是時人之識與不識莫不嘆公摘伏之精而愛民之摯也岳之官舍向爲逆糗糧之所旁舍參差幾同陋巷公乃捐俸屋之內外各備其制己丑暮又調值季平允之下活人甚衆有盜十一人俱抵死內二人非其罪困於捶楚遂誣服公一見曰此非真盜平心問之其一乃盜脅以操舟其一乃不登岸不受贓者他事稱是遐邇嘆爲神明而丁大中丞亦有湖南第一官之目

去任之日士民攀轅者數十里陞大理寺右副任職
半載卽轉寺正旋 欽差通州坐糧廳剔除規弊不
少倦故事明季時白糧乃民夫所運官吏悉魚肉之
奸民又乘機竊匿莫可控訴今更以軍而餘風未泯
漕白米到通例交車戶及紅撥船輸輓至京乃命幹
僕分置津梁每石歛錢若干積弊已久公盡去之七
省軍弁以及車夫舟子咸慶更生未幾轉福建司副
郎又代署四川貴州二司凡所平反者較之在楚而

更廣矣公性儉約飲食衣服不爲侈靡待人接物如
出一轍而天性孝友好散一本與人相接如坐春風
而剛正切直不可干私又好濟人之急必竭其力如
救焚溺人或負之亦未嘗以之告人及其料事曾有
成筭事無大小處之裕如歷官數任自外及內途中
資斧不給輒質衣以供自始仕至歸老產業不增亦
不少減每告子孫曰勤儉作家讀書積德毋忝清白
足矣升沉顯晦命也亦可以得公之大槩矣公致

後以壬申十二月卒於家年七十有五所著有究日
補輯逸巢詩文集岳州有重脩學宮記二帙天岳棠
蔭詩數卷並行於世云

太學扶菴徐公傳

外孫韓光德

公諱勉字扶菴徐氏自尙書公以忠孝起家子孫多厚於至性公尤有幹才少居家外人有以陰計中諸昆者諸昆累負千金貧不能給公悉出已財償之家且中落終其身不但無悔心并使兄弟之間能忘其感而安之也令百世而下猶可想見其和樂之風公舅少宰羨門彭公宦京師以書招公公入都名噪輦轂下當時清華之士相推重詩有少陵之目書法爲


不下於魯公然公不樂以是炫於世蓋器識宏遠非
弋名浪走風塵者廼試於北闈屢躋慨然思振尙書
公業以慰親心而不遂其志天歟人歟不得而知矣
配翁孺人侍高堂能承歡瑄瑚公嘗謂人曰予婦孝
當於烈女傳中求其人故公半生遠遊無內顧憂年
四十六而卒無子耐亭公第三子文學蘭成公序嗣
蘭成公貧更甚事母以孝聞讀書守家法克承公志
光德生也晚不獲詳見行事謹述其畧得之吾母云


又陸徐公傳

公諱機雲字又陸寧邑庠生符升公之子太學生考
授府幕玉海公之孫行三公少時父母俱亡家中落
而兄不及顧幼弟出繼杭城公依桐鄉史山陳公撫
迪既長歸故里入贅奉萱張公遂棄詩書業農桑朝
夕勤苦家道稍楚楚性最孝友嘗謂應分祖業雖屬
無幾以我未及生養父母悉與兩兄尺寸不受每一
祭祀無不垂涕久之乃已其自奉以薄待人以厚凡

遇貧乏必周恤之人有過理以譴之或加以橫逆積
誠以感絕不與校由是人皆心折戚族鄉黨中有不
平事訴于公公一言輒解公之正直服人如此配張
孺人相夫辛勤恭儉慈惠綽有古孟光之風先公而
卒公卜葬外家父母并孺人至桐鄉陳氏則加惠無
既焉子四永昌仁昌國昌洪昌皆端方儒士女五皆
擇配諸孫林立皆異才其奕世統緒自公手定者并
然無遺憾公生癸巳卒年七十七歲橫渠云存吾順

事沒吾寧也詩云貽厥孫謀以燕翼子公信有也夫
乾隆庚申秋七月朔武原晚學生陳天與拜撰





憲章徐公傳

徐有隱君子曰憲章諱士良海鹽黃湖里人其先世
美卿宋之嘉禾令卜居豐山人稱豐山徐氏五世而
雪坡知山東濮州州事七世耕樂始遷黃湖蓋樂善
好施人也閒閒泄泄而自附於農家者流子孫每取
法焉傳至蒼生家道中落蒼生憲章父也當是時革
故鼎新兵燹道阻懷恩念舊人性各殊蒼生挾其少
子憲章遨遊江湖托於貿易欲因以此識海內奇士

以故耕樂隱於耕而蒼生隱於賈云迨公年十九歲
遭父喪遵父命與兄分析二十卽親家政由是絕意
江湖服闋娶孺人唐氏分產不及餘夫之數兼連年
構訟訟雖雪而貧且病唐孺人曰財與身孰重公曰
身重唐孺人曰夫與婦孰重曰夫重然則君請休矣
予薄有衣飾可以資藥餌戶內事弗問可也於是公
入城寄居戚屬家針灸湯劑幾期而愈然自此家計
漸饒裕矣三十二歲遷居得子惟勤惟儉姪道含青

虬相繼殂以身肩三家事而撫育之歲壬寅以祭產
丙舍及脩譜爲念議停昨十年身任其責收息四載
祭田漸拓建祠之費議定各那壹百數十金而祠宇
告竣矣不幸緣幼子殤悲悼成疾已酉遽捐館舍臨
終遺命先以敦行繼以讀書而以脩祠脩譜爲亟嗚
呼可謂無忝爾祖者乎子三長賢府學生餘早卒女
二一適國學朱協棟唐孺人生一適國學查熾昌妾
宋氏生今子嗣惟先人遺命是遵不愈於希榮慕祿

之儔耶謂出而仕亦為國為民者也夫以是謂之君

子

皆

乾隆辛酉臘月年通家弟董上容拜撰



鐵山徐公傳 翰林院編修門人詹銓吉

吾師風雅人也幹濟人也乃甫陞縉雲教諭而竟以
司訓終雖遂安士子願終事先生欲留之不得而先
生竟卒於遂安兩不申其志而遺愛傳矣吾邑健於
訟吾與章爭沙塲歷年縣令不能決先生一言解之
今吾氏宗祠中赫然有先生主也師又明於地脉遂
邑科第邇來鮮少先生見泮池汙塞捐資開濬乙酉
登鄉書者五人銓獲解首莫不嘖嘖先生詳泮池城

後山宗詩 卷三
三三
壕碑記要之銓親炙先生所指示者更多矣外若訪
求節孝代清逋欠修葺文廟以及整飭嚴陵釣臺
諸古蹟所以維風教者唯先生是賴先是先生訓德
清蒞任八載清溪固文藪而學宮弟子許訟無暇日
公曰折獄有良有司在耳敢人倫課經史吾責也一
切屏絕之時胡孟倫司寇蔡方麓閣學適在籍相與
切劘而振興之故清之士子思先生猶吾遂也卒之
日裹糧而奔弔者數十百人夫先生爲諸生主書岩

社事一時若沈元恒查澹遠沈勉齋俞穎園諸先生
共相講習詩文爲浙中冠顧諸先生次第出入承明
而先生庚午受知孝豐蔣公己卯受知浦江晉公薦
而不售白首屈抑爲人師又復不幸年祇六十有二
請非天欲開吾遂安及德清文教也此不可解矣配
陸氏子二長人麟次夢麟銓在門墻畧聞政績因叙
其節概如此其家居德義則詳行述中也


其前錄收此其宋皇朝錄其

劉刃于二身人魏大楚魏錄其門部畧聞延錄因於

而於

其前錄收此其宋皇朝錄其

抗軍一錄其錄其宋皇朝錄其



允楨徐公傳

海鹽縣教諭沈純智

徐公允楨飲賓沁菴先生長子吾邑推爲孝友者也
其事親也孺慕之情至老勿衰尙慮定省或疎命二
子斌啟專侍晨昏以襄其職且憫其弟驗容因回祿
家落恐貽父憂卽授室同居是以沁菴先生神恬心
曠八旬有餘不廢吟咏則翁之養志可知已及其死
獨肩其任且從厚焉他若卹女夫兩世之嫠居濟遠
賈一帆之漂泊通緩急解紛爭尤未易悉數皆由親

親而仁者也孝弟爲百行原非明徵乎初沁菴肆志
讀書不事生產公志復先業經理盡瘁而原配張氏
自操井曰食祇常味衣必數浣于是轉枯爲榮漸有
豐裕之象而惜乎三十有六而卒也繼娶朱氏德並
於張一勤厥始一成厥終此固見宜家之化而予謂
天意在報孝子也公之先世宋嘉禾令諱彥明公始
居豐山傳五世諱倫公以明經爲濮州牧七世諱顯
公遷黃道湖而族乃繁十世諱榎公登戊子鄉書官

常州別駕十四世而至沁菴綜計其出而從政者皆以孝友治其處而里居者皆以孝友稱家乘班班可紀乃遞傳至翁而先型不墜則自翁而子而孫而元曾勿替引之于今卽可知矣公早爲沁菴先生所器名曰嘉植字曰德培意深遠矣公其不負命名之意也夫公生於丁酉八月廿八日丑時卒於壬寅九月初三日戌時年六十有六子四曰斌曰啟曰龍媒曰敷皆有父風孫更繁衍尤難量云

...

...


...

...



...

...



東銘徐公傳

東銘徐公者古君子人也天性孝友輕財重義不妄
交慷慨任事樸茂中具有經濟得前人風焉先世自
宋太宰處仁以忠孝起家由甌寧占籍海鹽始居豐
山繼遷黃湖雪坡以來代有令德耕樂以下雲耳日
繁析支十一而公則木橋支晴川之五世孫也父憲
章丁明末托貿易以避時變 國朝鼎定家業亦饒
遂絕跡江湖鍵戶教子不數年公入府庠爲諸生初

公大父蒼生議建新祠於耕樂墓側有志未就而卒
憲章繼之經營區畫祠宇聿新捐助黃湖祭產若干
畝以其餘卹貧贍族易簣之辰猶諄諄命公以敦行
讀書爲先繕祠修譜爲亟公涕泣受教喪葬畢卽從
事焉凡丙舍之傾圮者歲加葺理祭產之寡缺者力
謀恢拓憲章墓下特撥膳墳田百畝北洲敬吾諸塋
助產之外補植松柏馬鬣崇封鬱葱相望矣壬戌歲
續修譜牒公不辭勤劬獨任厥職俾世次秩然昭穆

犁然不至族中視如路人者公之績偉矣蓋憲章能
成蒼生之志而公又善成憲章之志也每慨古日益
遠俗日益偷平昔之天良汨沒於趨榮競利其於先
人邱隴雖循例祭掃而隨衆拜跪之餘於尊祖敬宗
收族之道缺焉弗講求其不私財不恤勞不避怨肩
衆任於一身者已往往難之至若思孝不匱能以水
源木本爲心合祖孫三世而出於一者則尤罕見其
匹也嗚呼觀公之家孝弟之心可以油然而生矣公之

孫岳覲爲我家從弟愛壻余因得略識公之梗概茲
與其兄岳瞻將有事於家乘請余傳公煜不敏非能
傳公者而公之志行無愧古人自足以壽世則卽謂
公之自傳也可

峕

嘉慶八年歲次昭陽大淵獻季春月旣望

眷姻姪黼齋孫映煜拜撰

徐質夫先生傳

孫映煜

先生諱近三字保之質夫其號徐君東銘之子憲章之孫也天性朴誠與人交心坦然無城府終日坐對
訥訥然寡言笑生平不習會計以家政委人不問其
出入嘗經月足不出戶間邀與遊亦遊物外常羊怡
然自得人謂有其先耕樂之高致焉先生家素封曾
王父蒼生性喜交遊好施與值明末鼎沸連歲荐飢
家中落後憲章東銘子若孫繼起俱練達有幹才節

儉勤勞不數年家業復饒前人履其勞而先生享其
逸斯固先澤之留貽者遠亦先生之璞韞天和不與
造物者競宜天之報施獨隆也矧乃喆嗣挺生長君
岳瞻次君岳覲均邁往倜儻而性復長厚足以踵武
前人諸孫林立又皆詩書是業深悉創守之艱他日
雲蒸雷變龍見鳥瀾其興起正未有艾也拘目睫者
不悟其真性情而徒以無懷葛天之民相擬亦淺之
乎論先生矣

六十五

蘇軾

慶元學廣文徐海鶴先生傳

先生諱藻字鑑齋號海鶴姓徐氏徐世爲武原望族
先生五世祖諱昌治明孝廉今贈奉直大夫仲兄尙
書公諱從治殉難萊城以一諸生伏闕上書獲卹贈
褒崇三世子諱升貞由明經歷官戶曹爲先生高祖
曾祖諱輔元以孫入翰苑贈如其官祖授別駕諱和
亨生五子先生生父文學諱顧煌其第二子也長諱
錫祉配朱太孺人婚未匝月而故越八載先生生遂

繼爲後十歲生考妣繼亡隨侍朱太孺人煢煢孤苦
自少卽肆志讀書下筆輒有雄奇氣時從叔桐村先
生居詞館以詩文寄正每驚爲偉器其勗姪詩有云
阿咸才有餘奇句每啓予何以慰父志時還讀父書
蓋早視先生爲白眉年二十五邑試冠軍遊上庠卽
食餼自是益攻苦嗜學就館于外入脩脯以佐堂上
薪水於六經子史秦漢諸書博覽究心接引後進且
自爲根柢之學無何五試棘闈薦而不售者三年四

十二陡患忡症晝夜罔寧幾三載得針灸乃痊太孺人恐舊疾復發諭令勿再赴試遂絕意功名云先生天性純孝太孺人在堂勤儉作家先生事之惟以養志爲先時年六十患風痰流毒親湯藥侍起居至寢不解帶者數月醫者以年老氣虧須服人葠三四兩時直貴不惜破產爲之病瘥精神倍常年八十三而終雖曰壽夭有數非先生之感格不至此初先生欲爲太孺人守節請旌太孺人泣而止之曰此義所當

然奚邀榮爲我願世爲朱徐之好不忘所自足矣先生以名節攸關卒如例請之卽以馮孺人所出女配太孺人姪孫鳴鳳往者來歸奩產悉以遺之且讀書甥館數年造就得成蓋承太孺人之志也先生有同懷弟友愛特甚少時出入與偕中年不祿從子幾不能自立飲之食之教之誨之俾至成人得擴充其舊業厥後爲先人卜兆乏善地日夜焦勞謂遲之又久罪何追一夕夢有老者告之曰坟在坟地最吉寤而



思其遺產有文字號者或者神示其機於異字同音
乎越日請堪輿往相之曰善嫌穴後稍隘購隣地數
弓併生考妣而合葬之所出貲絕不謀諸從子風木
餘悲五十載憑棺今日更酸辛形家漫說金精秘獨
幸泉臺手足親先生居墓廬詩也人以是多先生之
孝友且生平敦本尚義族有一二患難事衆咸裹足
畏甚先生獨奮身不顧以爲己任迨由歲進士授爲
司鐸年近八十矣學宮弟子間有屈抑者必仗義而

伸明之其正直不撓之概至老勿衰如是越三載告
歸慶元爲浙極南之地迢迢千餘里歷仙霞桃花諸
嶺及泛舟曲江登高臨深猶極山水之樂勿以爲倦
蓋先生之秉質也厚賦性也純尤具有幹才穎豐額
廣體胖聲洪年逾古稀未二毛不資筇杖故壽至八
十有六歲子生孫孫生子四世一堂振振繩繩咸克
守遺經而勿替焉余承乏鹽官有年素稔先生爲一
邑之模楷且其令嗣昂霄辱余門下士平時備述厥

考遺行故知之尤詳是爲傳

賜進士出身

勅授文林郎西防廳同知前知海鹽縣事年通家弟
任澤和頓首拜撰



炳庵公家傳

吳寧

予友徐君掬泉家鷓鴣湖之濱自耕樂公豐山析居
以來歷十有三世豐山去澈浦城十里故予先世多
與耕樂公族人相往還迨先大父徙硤川去鷓鴣湖
亦十里掬泉頻至予家予童年卽知其大父炳庵公
與耕樂公後先一揆茲屬予爲傳不敢以不文辭公
諱彪炳庵其號也少好學有志功名試不得售學益
力適家道中落父望侯公亟亟謀治生公鮮兄弟負

笈從師於外實無以佐望侯公乃翻然挾書以歸相
與持家計不數年家漸裕而公亦漸老矣然好學至
老不倦嘗課農至野外蔭嘉樹以坐手一編得意忘
返不知晷影已在樹巔讀書過目不忘平居貨財出
納無簿錄及持籌算雖經年之久不爽毫髮誠篤有
至性敦本睦族惠及鄉里凡葺宗祠置墓田皆先輸
已財橋梁道路之在邇者恒獨任之有感公德者願
公歲歲擴田宅公笑曰是非我素志毋以貪夫頌我

也先是公在襁褓母許孺人卽見背賴長姊提攜以
長姊適查早寡而貧迎養於家擇其族之賢者爲之
後旣壽終以節孝聞於上官得建坊且厚葬之囑子
孫墓祭勿替公孝友性成貽爲家法宜其振振日盛
焉享年七十八資爲國子生配崔氏孫氏子三人孫
十人曾孫二十餘人

吳寧曰昔耕樂公耕湖上三十年善日以積家日以
饒其歿也張黃門芳洲先生爲之傳曰耕樂公仁者

也仁者必有後其後門才藉甚曾孫十有二元孫四十有一咸有文行登仕籍者踵相接十數傳多至千餘人蓋黃門與耕樂公同時知其必有後者以理度之而已而未見其後之盛果如此也子生也晚不獲見炳庵公而公之孫克繩祖武公之曾孫賢才衆多文譽日起皆見而知之不可以此證公之往行哉

徐氏三世孺人合傳

海鹽望族厥有徐氏余母黨也先外叔祖懋公府君以文筆重於時余幼時猶及見之而大母舅民瞻二母舅民望暨外兄弟輩咸與余數數往還因得悉其三世壺德爰泚筆而爲之傳外叔祖母張太君太常寺奉祀正大縉之女孫而邑庠生聖謨字耀廷之女也性至孝母嘗病篤太君才數歲晝則侍湯藥夜則禮斗凡七晝夜而母病頓瘳于歸之後蒿簪布裙躬

自操作俾外叔祖得以鍵戶攻書不問生產者皆太君內助之力也太君諳大體嫻禮法生平未嘗一至蘭若瞻佛像然好誦經至老不倦康熙辛巳太君年六十有九履端初有來賀者輒歛留之曰我將就木幸少坐一訣別也時尙康寧無恙且健談善飯人咸訝之太君復促備後事至二十五日忽召家人至前告以永訣子若孫方流涕嗚咽或竊語曰今日風淒雨苦不審可待至天霽否太君卽欣然首肯飲食如

常越四日天氣晴朗遂命沃盥盥畢端坐而逝大母
舅配費孺人姿稟敏慧自其幼時父廻凡公特珍愛
之旣嫁治中饋豐儉適宜凡事一稟命於姑族黨交
稱其賢年踰四十無子力勸大母舅置遙室視之若
姊妹然未幾得男卽培元外弟也今培元又生子矣
雍正甲寅秋隣人或以乩祈仙有神降壇叩其姓氏
則張太君也舅氏聞之趨至乩書曰我以生前無過
慝歿後得隨侍大士冢婦費真心待人今亦同在彼

處矣望我子孫積善孜孜勿懈一時觀者若干人咸
嘖嘖稱異事云二母舅子端揆外兄亦娶於費父字
大中性恬靜寡言少知書偶閱太上感應篇恍然有
悟自是女紅之暇輒展誦焉乾隆戊午夏五忽得痰
疾其母來省視之望見榻前有雙鬟侍側黃衫道裝
俄失所在怪而問之曰汝有所見乎答曰我明日當
辭世矣頃所見者母慎勿言恐惑人聽聞耳歿時神
色不變與王姑張大君先後若一轍也

論曰仙釋二家儒者弗道然其所言清淨定慧者實
與主敬之學相似故才人學士往往借之以破煩惱
心况閨閣乎余母族三孺人其婉婉貞淑類皆出於
天性若其去來之際神明不亂雖謂得力於經典奚
不可也於是乎書


雍正癸丑進士知嘉魚縣事外姪孫戴源亨拜撰

孫王奕五世士賦壽魚鄉車收致絲縷張亨拜贈

...



編日山縣二案論香便滋然其浪言壽辭宜禁春寶



徐母張孺人節孝傳

李超孫

自古婦人以節著者雖截髮髻面終不忍託一死以
自盡乃至艱苦備嘗呱呱在抱而卒委曲以成其志
若徐節婦者抑尤苦矣節婦者同里張根濤女徐玉
符妻也歸九月而玉符病侍湯藥唯謹未幾玉符卒
節婦年僅二十三鬢髻號呼死而復甦者再是時遺
孤廣林生纔七日耳翁姑年俱邁勸諭勿殉婦強起
嗚咽承之家故貧屢遇歉歲紡績以潔滌滄翁姑相

繼歿婦枯腸欲裂曰翁姑與夫俱攢宮必子長大而後舉不忍待也遂百計於祖塋之側俾合葬焉廣林既長爲娶婦奉母教以長厚稱今節婦年七十五矣守節五十一年中間支持勞瘁喪葬嫁娶皆一身兼之里黨公舉其事得循例請旌於朝人以是羨節婦之榮而歎節婦之賢焉

外世節婦人節奉辭

李法府

後峰先生傳

吾詒孫

先生名紹鎬字芭園號後峰先世自彥明公占籍海
鹽居豐山代有名臣先生十七世孫也嶷嶷然有腹
尺白皙精采廣顙豐頤好讀書摩研編削擇精語詳
早歲補弟子員試輒高等屢躋棘闈好吟詩內寫幽
愴外媵羣雅不屑屑界唐宋年五十棄舉子業循例
注成均籍益肆力於詩著有後峰詩集若干卷性至
孝父母疾衣不解帶至蝨緣領遊不顧也爲人坦中

任真倜儻有才略遇人姁姁無矜容躁顏而於大義
所在無所依回雖嗇于遇戚族里黨中有疑難緩急
事必赴愬於先生先生無論賢不肖有疑必剖有急
必應稱善廣坐訓過密室事有不可力爭不得必委
蛇骯骯於其身以濟之人推爲鄉黨祭酒然則士特
患無才耳有才在朝在野一也豈祿位之足以格人
哉今之榮貴炫赫什伯倍于先生者一旦去位車未
出城而民已忘其姓氏比比然矣先生雖終于一矜

而見先生家之諸勳臣于地下誠足以抗顏而無慙
矣晚歲葺協樓五楹南對秦山東臨大海朝挹爽氣
暮聽潮聲伸眉肆肘嘯傲於其間宅偏隙地課童栽
桑種竹人望之朱顏白髭飄飄然若神仙中人常自
言有五樂三事五樂者蒔花靜坐含飴弄孫與故人
話舊自問無愧怍三事者看書飲酒賦詩子二能世
其家

吾詒孫曰先生之少女予之從弟婦也先生之長孫

媳予之甥女也予入塾之年正先生強仕之日猶手
不釋卷晝夜額額及長袖文質先生先生誘掖後進
過爲獎賞出向所爲詩文示予讀之制藝得隆萬風
格詩發于性情不落前人窠臼及聞其議論觀其行
事一以濟人孚物爲懷絕無近名之心則古聖人皆
因物付物而已不尸其功者也嗚呼如先生者其庶
乎

厚田徐公傳

公諱養惠字愛僑號厚田海鹽人也先世皆爲顯官
公少孤食貧勤苦力學弱冠補博士弟子員試輒高
等食餼應制舉文力追先正不屑爲類俳優者之辭
故連不得志於有司僅以明經終公貌厚重不輕嘖
笑雖對家人婦子衣冠必正顏色必齊望之有巖巖
氣象無不肅然生敬者然待人極寬厚與之言論藹
然如春風之披拂也性狷介絲毫不苟取生平授徒

自給值歲祿不能舉火終不以口腹累人戚族有無
歸者數人假宅以居死且爲之營喪葬公雖屢躓棘
闈而遊其門者多掇巍科以去書法蒼勁酷似顏柳
旁及青鳥家言得其意不炫其術暮年思怡情山水
以無濟勝具不能遠遊就庭院中累石爲小山蒔花
種竹聊以自娛居雖近市陟其庭蔚然有林泉之趣
焉卒年七十有七子二長丙輝庠生次槐廷由舉人
宰粵東洊升司馬孫用儀由舉人官刑部入直樞密

用福由副貢官學博用康官巖使公以子孫貴顯累
贈中憲大夫曾孫亦有以髫年入泮者識者卜其後
嗣熾昌正未艾云

論曰吾鄉厚田先生有道君子也余與先生少君雲
鶴居同里仕同邦雖未及接先生之音容而其品學
鄉人猶稱道之余由粵藩升授楚撫雲鶴將致仕歸
矣因於其行追述先生之梗概如此古所稱有道君
子非其人歟嗚呼士人苟砥行立名潔清自好雖不

用於世而已足為鄉里儀型豈必以得時為幸哉

賜進士出身

誥授資政大夫湖北巡撫同郡世愚姪吳昌壽拜讓



桂巖徐公傳

烏程潘翊

道光己酉春徐子古春攜其曾大父桂巖公行略乞
作傳余敬謝曰傳者傳也其人足傳其事足傳又必
作傳者之文足傳始足以傳世而行遠否則言之無
文行之不遠余謏陋無文又烏足以傳桂巖公哉固
辭不獲無已姑卽行略而節序之可乎謹按公諱亨
臨字君宜桂巖其別號也先世自宋觀文殿大學士
諱處仁者靖康末扈蹕南渡歷世顯宦多隱德十傳

至忠烈公諱從治累封兵部尚書其季弟諱昌治崇
禎癸酉舉人孝義文章稱於當世贈戶部郎中公之
五世祖也高祖諱乾貞廩貢生以孝友祀于鄉妣朱
氏殉節豐山事載一統志曾祖諱賡元考授州同知
廣西宣化令著有聽雨齋詩鈔妣虞氏著有映玉樓
詩詞採入朱竹垞太史曝書亭集詳郡乘閨秀誌祖
諱辰角考諱岡俱邑諸生並積學工文有聲庠序世
德相承固邑中巨族也公生六歲而孤七歲就外傳

舞勺畢九經卽工時藝善吟詠郡邑試輒前列旋入
邑庠屢薦不售遂喟然曰功名得失自有定數夫通
天地人三才謂之儒一物不知儒者引以爲愧其可
久事帖括啣唔作經生伎倆而不思稍有補于世乎
遂于經史外復究心天文地理岐黃卜筮諸書求濟
世用事親左右無違承顏養志依依孺慕務悅親心
而後已蓋數十年如一日也母病衣不解帶親喪哀
毀骨立人不忍見與弟居極篤友愛伯仲怡怡數十

年無間視弟子寬如己子時弟將遠遊欲令子改業
公力止之謂孺子可教何忍廢學爲之謀課讀地又
因其體羸善病竭力醫藥得痊卒與己子作霖同遊
泮與姻戚往來肫肫親愛窘乏輒加賙恤有鄰人告
貸無以應典質付之負約不償亦不往索人以此多
公好義稱長者居恆謙和溫厚被其容接者如飲醇
醪卽褊心人亦自化焉惟大義所在則凜然不可犯
人尤敬之生平淡於嗜欲惟篤好學問喜書籍無間

寒暑手不釋卷暇則挈伴登臨賦詩飲酒襟期瀟灑
超然塵埃之外旣而有志四方遊中州遊晉陽歷三
晉嘗四次渡河而西涉大梁逾太行登五臺交遊盡
一時豪俊所過名山大川及忠臣烈士之祠墓與夫
花晨月夕輒慷慨豪吟作爲詩歌以紀其事其爲詩
堅光切響寄托遙深而復真誠篤摯語語從肺腑中
流出所著書有桂巖詩文詞稿天中遊晉陽遊詩草
及地理只可吟平洋錄詞令四六類稿又纂有醫宗

便覽易驗會心約編攬拾編雁臣瑣記南州集腋等
書年五十三卒於金鄉邑署子四人用霖作霖汝霖
傅霖孫曾林立皆醇謹率義方訓古春其曾孫也古
春名驊家貧好學公沒後因家屢遷遺書散佚殆盡
古春遍處搜訪僅得天中遊稿將付剞劂吉光片羽
彌足珍已

潘子曰桂巖公夙負大志敦孝友尚氣節砥行力學
期於用世乃卒不得遇懷抱利器鬱鬱作汗漫遊惟

登覽名山大川嘯傲慷慨發爲詩歌以舒其志年僅
五十餘終于客館而身後遺書又復飄零殆盡亦足
傷已古春家貧好學而能孜孜矻矻務求先人之遺
書幽光必發將必有由沈沒而復顯于世者公固可
傳於不朽矣


謝道韞

昔幽次必疑神必存山出對面亦顯于世昔公因四

謝曰古春寒貧以學而始好好好好好好好好好好

立十餘年于容治而長好遊書又好懸筆欲盡亦以

登覽谷山大川激射射射射射射射射射射射射射射



序侯徐公傳

公諱廷珂字序侯號藍圃黃湖耕樂公第十一世孫
幼讀書卽通大義敦孝友家本寒素仲兄佩之早逝
次兄杏堂習舉業父母又年高乃獨力持家勤苦二
十餘年卒以起家里中善舉咸爲首倡親族婚嫁喪
葬賴以成事者尤多顧未曾語人邑有遠宦者瀕行
有老嫗泣路旁問之則曰世爲良家遭饑荒鬻女於
宦家爲婢今遠出自分無相見望是以悲耳公惻然

解囊與嫗合贖之後二十餘年女忽到家謁謝始知

其事其陰德皆此類公性通練而和氣迎人人有爭

辨者得公一言渙然冰釋晚集里中諸老爲小瀛洲

詩社每逢春秋佳日婆娑觴詠所爲詩恬雅得風人

趣年屆八十兒孫繞膝歡笑愉愉庭無間言咸豐元

年八月無疾而逝遠近弔奠者填間以子職之覃恩

贈朝議大夫

光緒二年夏六月姻愚姪張鼎拜撰

雲鶴徐公傳

君徐氏諱槐廷字位三雲鶴其自號也宋季有諱彥
明者自餘姚遷海鹽遂世爲海鹽縣人父養惠歲貢
生博學工文有聲鄉里君由嘉興府學廩膳生中道
光十五年鄉試舉人二十四年大挑一等以知縣試
官廣東屢權鶴山恩平開平縣事授遂溪縣知縣調
順德縣升潮州府同知皆未赴最後權順德縣事旋
乞病歸以子用儀貴 誥封通奉大夫同治十二年

卒于家年七十四君之宰鶴山也不雨已久故事禱
雨必取水于城外之七甕潭君甫下車卽步行十餘
里至潭取水歸未及城大雨如注人以爲至誠所感
劇盜羅文熙羽翼甚衆橫邑中君設方畧擒而尸諸
市終其任盜賊屏迹劉姓者邑之愿民也饒于貲屢
爲刁民魚月時有誣以殺人者君白其枉一邑稱快
粵東吏治久敝簞簋不飭習爲故然君力矯之人笑
其拙君作詩解嘲有未聞廉吏無終局試看貪官得

幾年之句去之日士民多泣送者恩平與開平等縣
接壤土客雜居世爲仇讐及紅頭賊起吏不暇詰其
釁益深死者枕籍田野荒蕪君至則先名捕巨猾梁
單眼三等六七人置之法復周歷閭閻曉以利害諭
以情理民用大和治田輸租如令式治效旣彰調權
開平君一以恩平治法治之事多迎刃而解開平之
長沙鄉與新甯之茭荻鄉鄰而有隙新甯大族騰蜚
語省會大吏入其言檄新甯令籍長沙民所有輸官

人情洶洶勢叵測君飛驛奏記白其誣事遂寢順德
濱海多強宗素稱難治君無所張弛一感以誠凡有
論決問法如何不可干以私歸里後出橐中金建宗
祠置義田閉戶靜坐自號樂淨居士鄉里罕見其面
妻朱氏封淑人賢行著于宗黨後君三月卒子三長
用儀咸豐九年舉人鴻臚寺少卿次用福副貢生三
用康兩淮候補大使前卒女一孫男六人君少敦行
誼取與不苟居家蒞官如一日于書無所不窺尤遠

于佛氏之學著有金剛經解義心經解義彌陀疏抄
擷清淨經注行于世咸豐以來粵東稱循吏者知與
不知必曰徐君云

余少聞君名及同治初元服官粵東與君毘鄰而居
始得親君緒論知其居官律已之詳殆古所謂惴惴
無華歲計有餘者歟晚近吏道雜而多端余行南北
求如漢書所傳循吏者殊不多覩君其庶幾焉今君
墓木已拱因掇其事之大者著于篇後之良史當有

取于余文因錄其事之大清落干諡錄之二頁

未暇肯書也游議吏者終不之購其德

大清光緒元年孟秋之月


誥授通議大夫賞戴花翎三品頂戴前分巡廣東

高廉兵備道年愚姪歸安陸心源拜撰

不暇改日余昏云人德也寺少卿

謝辭戰錄我沐于廿起豐以來粵東

士制刃之學著育金剛錄兼善心



誥授光祿大夫太子少保兵部尙書筱雲徐公家傳
君諱用儀字吉甫號筱雲浙江海鹽人系出偃王派
傳至宋欽宗朝太宰處仁三傳至彥明由進士任嘉
禾令始遷海鹽世多隱德十傳至應奎庠生孝行聞
於鄉父澠隆冬病思瓜泣禱西疇得瓜食而愈人別
之曰孝瓜徐子從治明萬歷間巡撫山東殉難萊城
贈兵部尙書 國朝賜謚烈愍從治第昌治明崇禎
間舉人卽公支祖四傳至公會祖錫命太學生祖養

惠歲貢生候選訓導父槐廷道光乙未舉人大挑知

縣任廣東遂溪調順德縣知縣陞潮防同知有惠政

三代均以公貴 贈光祿大夫妣朱氏 誥贈一品

夫人生子三公居長自幼聰慧有大志外順內剛小

事或不置可否大事必曲折以伸所見事後人咸服

焉十七游庠二十一中副車再試不第奮志北上捐

籌餉授刑部候補主事咸豐己未中順天 恩科鄉

試亞魁考充軍機章京兼各國事務衙門行走粵匪

之亂江南報捷保補本部雲南司主事旋升廣西司
員外郎擒匪蕩平保升湖廣司郎中 賞戴花翎派
方略館纂修保送御史 廷試第一恭忠親王者之
曰棟樑材也自同治初充軍機章京十餘年軍書旁
午擬旨悉中機宜俸滿用五品京堂方略告成用四
品京堂補鴻臚寺少卿丁外艱歸旋丁內艱家居讀
禮杜門不出修家譜邑志服闋 召見仍入軍機歷
升太僕寺少卿太常寺大理寺卿歷署都察院左副

都御史工部左右侍郎尋補工部右侍郎特派總理
各國事務大臣適患病假滿請開缺勿許又賞假
調治

太后臨朝垂問尋愈兼署刑部左右侍郎調補兵部右侍郎
轉左侍郎又調補戶部右侍郎吏部右侍郎轉補左
侍郎居官廉儉俸糈稍豐創捐本邑善堂任卹貧乏
又以先代受分田一千五百餘畝承先志仿范文正
贍族遺法立爲義莊巡撫崧公駿奏聞御賜推

恩睦族扁額邑中捍海塘爲浙西保障久圯不修居民患潮公第用福與邑紳上牘當事請修未果公言於大吏得修築千餘丈遠近賴之光緒癸巳召入樞廷加太子少保賞紫禁城騎馬賞穿帶膝貂褂

太后見公丰度端凝特書蹈規履矩四大字賞之中東之役舉朝咸輕視日本一意主戰公獨言東瀛方強我師驕惰未可輕敵乃衆口交騰出兵浪戰卒至一蹶不

振割地賠款各國從此藐視我中國公曰此鑄一大
錯字也其時戶部尙書翁公同龢以師傳主政府兵
部尙書孫公毓汶與公同贊襄言官交劾孫公毓汶
去位公亦面求 上請退出軍機總署得 旨允准
公甫入樞廷卽遇東役事平而退每以不能補救爲
憾派充總署大臣已十三年矣每與各使臣論事剛
柔互用滇越邊界久不定一日與法使厲聲呵斥卒
以帖服凡事斟酌於疑似之間籌度於安危之計累

大
續連章均親屬草彌縫匡救心力交瘁至是稍釋然
其時德索膠州俄索旅順大連灣英索威海衛九龍
灣法索廣州灣朝中諸事曲從公雖不預議心甚憂
之素性仁慈有旗丁斥革匿火鎗路擊某滿洲大員
誤認擊公未中受傷公言於秋曹欲寬其罪及 旨
下加等公爲歉然旣而翁公同龢罷職臨去遺書勸
公早歸林下詞意真摯公與翁公會以公事爭論後
終坦白蓋不失古大臣之風戊戌八月

皇太后復訓政命公再入總署是時譯事難於軍機公以歷任艱鉅深懼隕越祇以受恩深重不敢違命然事繁且難肩斯重任公日夜焦勞引太常寺卿袁公昶襄理適侍郎許公景澄出使回朝派入總署公得資臂助旋升左都御史兼攝吏部尙書派會典館副總裁賞西苑門內騎馬乘用船隻拖床皆異數也己亥十一月擢兵部尙書十二月

太后以

今上未有子立端郡王載漪子爲

穆宗毅皇帝嗣庚子

今上三旬萬壽凡一品官七十以上 賜蟒衣公亦與焉

先是山東拳匪事起仇殺西教巡撫毓賢縱之公恐釀巨禍約同署會銜奏請勦捕報可而毓賢暗爲袒庇公又以利害言於政府 朝命袁公世凱巡撫山東毓賢調山西毓賢來京盛稱拳匪神術奏言此等拳民激於義憤正可藉以制洋人俄而闌入近畿聲

稱扶清滅洋結連邸第五月初燬鐵路焚教堂攻擊
使館公又約同署會銜奏請明降 諭旨嚴行禁遏
時拳匪勢盛公窺 中旨搖惑擬按公法令使臣出
京德使臣克林德正赴總署會商被官兵中途鎗殞
公言於管理總署慶王爲之厚殮匪黨聞而惡之當
拳匪之熾也各國使臣懼禍引兵數百自衛旣而兵
輪數十麇集津沽索我砲臺

太后召集羣臣決疑定計 慈意震怒羣臣戰慄莫敢言端

郡王等力主用兵公與尙書立公山侍郎許公景澄
閣學聯公元太常寺卿袁公昶均言我兵不足恃衆
強不可敵拳民不受槍砲之說不足信宗社爲重
宜乎持重四次 召見公所陳益力

太后卽命公與立公聯公許公袁公至使館令勿進兵美使

康格許爲調停而諸王大臣已主令練軍助匪攻使
館公語相國榮公祿曰若殺使臣京師恐無噍類况
我亦有使臣在各國乎榮公頷之公平時和順此次

事關宗社不肯隨和四月間公派盤查三庫與貝勒載濂同事二十餘日每言拳匪若不早禁禍必不遠載濂顧左右曰汝其聽之蓋左右皆拳黨陽是之而陰實使懷其毒也又與樞臣剛毅力爭亦勿聽六月中天津陷復集羣臣議戰守朝論紛歧公與立公許公聯公袁公陳言欲却外兵先靖內亂事急矣今惟禁攻使館保護使臣再爲後計蒙上納聽傳諭兵團停攻總署遣使慰問

太后命送瓜果至使館事將定矣七月朔前四川總督李秉衡到京

太后召見力請敵洋且修怨於總署而叅揭之越日許公袁公遂棄市公自知不免從容以待及各國聯軍進逼京師兵團復攻使館有乘機請殺言和諸臣以振士氣會有搆公者十六日莊王載勛令步軍校率拳匪數百擁公去公亦不置辨但曰天降奇禍死而後已十七日與立公聯公同就義時年七十有五有見公

赴市時笑容自若是日陰霾蔽天人共冤之昔公之
祖方葬也示夢以所卜之兆與吳貞肅祖塋相似故
公早存殉國之心特不死於聯軍已至之時而死於
聯軍未至之先不死於臨難捐軀而死於乘機誣陷
人疑爲死非正命也我以爲死真正命焉公授命越
三日

兩宮出狩

九廟震驚聯軍入京見各國使臣無恙德使遺櫬厚殮完好

遂不加殺戮此公之隱賜也既而議和各國且請詔
復原官旨下允准亦稱首禍諸臣乘機誣陷乃知
公與立許聯袁諸公之死非出上意也明年春靈
輿南歸與許袁二櫬道出滬上不期而會者數千人
執紼盈途中外悲慟時人稱爲三忠公一生謹慎居
要地尤著清望或干以私必婉却之入值後與外臣
音書幾絕侍郎李文田署公玉壺冰室額云公清
宦數十年以選詩自况蓋無媿云性耽翰墨悅禪理

退食餘暇吟咏持誦不輟所著詩文集被逮時京第
如覆巢散佚殆盡今搜羅一卷曰竹隱廬詩存元配
嘉興張繼配海甯查累封至一品夫人側室尤子三
長士銘 覃恩廕生兵部主事前卒次士鍾國學生
戶部主事

兩宮回鑾前奉

旨以員外郎用三士恆

覃恩廕生刑

部主事女四長適新建內閣中書胡承弼次適丹徒
沂州府知府丁立鈞三適平湖工部主事葛嗣澎四

字宿州刑部郎中周儒臣孫二文翰文榮

論曰公於平定粵捻時在軍機屬草贊助方略朝

廷倚重擢侍郎後卽派爲總署大臣旋入樞堂日本
事起公知不可敵主和詆排日起遂請退差不數年
仍派總署事值艱難拳匪適起舉朝欲借以鋤洋公
反覆力陳利害卒及於禍然公之數數進言也豈不
知盈廷幻譟無可與爭特以宗社安危不敢箝口
以誤國奚暇計及生死耶今公往矣思其處危疑之

地不阿權貴不畏刀斧周旋於外交隱弭乎後患雖
遠人亦生愛敬知我國之大有人在其維持豈淺鮮
哉公生長於邑城總鋪巷舊第傍吳貞肅公祠騎箕
前一夕有大星隕於其地鄰右盡驚後得公耗人以
爲貞肅後身釋氏輪回歷劫之說豈或然與

誥授光祿大夫軍機大臣工部尙書嘉興錢應溥撰

徐資政公陳太夫人合傳

昔周之盛也有方召之貞臣翊忠於外必有尹姁之
女士端化於內故江漢之間藹然被棠陰之澤而河
洲懿德亦衍邇於靡窮如海鹽徐公及德配陳太夫
人方美古賢洵無愧色矣徐公諱用康字子雲系出
海鹽世族曾祖諱錫命國學生祖諱養惠歲貢生父
諱槐廷由舉人官至廣東潮州府同知皆以贈公之
兄用儀貴累贈光祿大夫用儀公殉庚子拳匪之亂

賜諡忠愍大節嶽然聲稱海內贈公其季弟也天資
開敏幼具幹才隨光祿公赴粵時韶郡劇寇方熾光
祿公扼韶關當巖敵公奉母避地履危越險從容應
變未幾隨宦之開平地處羣山之交民獷喜械鬥公
承父命往平之挫其鋒銳解其糾紛不崇朝而救定
光祿公屢膺繁劇如高要香山順德所至卓播循聲
趨庭之學亦日以晉順德夙稱壯縣事倍他郡光祿
公宏才外應而署中庶務悉以屬公處脂膏而不潤


尤人所難能固由於稟承嚴訓亦公之幹理精強故
衍衍咸舉也初以國學生考取國史館謄錄嗣以軍
餉移獎得兩淮鹽大使未赴於同治五年丙寅十月
朔卒於里第春秋三十有三龔生不祿聞者惜之公
天性孝友而寬仁救災恤困見義勇爲文史外兼工
書繪旁及子平六壬之術尤研精內典遠契宗風默
通元旨易簣之日神志湛然若有異徵如昌黎所云
笙竽之韻來自冥天蓋文人之生宜有慧業云娶陳

夫人爲通元名族于歸後卽隨赴粵東入門祥淑深得堂上歡及贈公捐館夫人哀迫欲以身殉顧尊章年邁遺腹未誕勉從戚黨勸慰支勵任事初以兄子士均爲後越明年士培生撫存悼逝背燈飲泣不敢使二老聞之逾七年舅姑相繼殂謝襄舉大事哀而中禮遂依伯氏以居冰蘖之心二十年如一日撫育二子母兼父職士均早得文譽遽嬰疾而卒怒焉傷之至光緒辛卯士培舉於鄉始展顏一笑焉性勤敏

而寬和雖臧獲不加厲色貞靜之操慈惠之德三黨
翕然稱之迨士培觀察河南屢請迎養夫人以年高
憚行役勉以馳驅王路毋念家事及罹疾士培方任
要差聞信遄歸躬侍湯藥者六閱月光緒三十三年
丁未八月二十有七日考終春秋七十有二丈夫子
二士均廩膳生早卒士培光緒辛卯舉人二品銜河
南候補道孫文俊廩膳生分部主事文喬太常寺典
簿文輝文錦均幼曾孫二人宣統元年十一月與贈

公合葬於邵灣之原於戲古稱方雅之族非謂擁顯
爵厚祿也謂有忠盡之臣循良之吏賢明之婦內持
維而外紐綱用以媿南國棠舍之蔭而揚尹姑之輝
若徐氏者淹有其美扶輿清純之氣萃於一門贈公
及陳太夫人遺澤孔長士培果能以世德昌其家諸
孫亦瑤環瑜珥稱其家兒積善之報固宜如是陞雲
與徐氏有連習聞其先德嘉行謹比序其事以示來
茲非僅家乘之美亦浙右之光也

賜進士及第翰林院編修姻愚姪德清俞陞雲謹撰



明經沖甫徐公傳

外甥吳賡廷

公諱師謙字沖甫一字傲剛浙江海鹽人也公生有異稟讀書過目成誦奇童之目噪於鄉里祖蝶莊明經人傑風流倜儻人也栽花蒔竹日以詩酒爲樂所居疏影山莊座客常滿家人或告以產日減者則笑曰吾有孫在又何憂乎公四歲而孤九歲而恃又失賴王父母撫之成立年十七爲邑諸生而蝶莊明經卽世時道光二十九年也邑患水災甚巨鄉民乏食

思亂公乃請縣令段明府下鄉譬解且悉心籌賑以救飢苦亂事始寢徐氏故爲邑之大族居於西鄉者爲黃湖支子姓最繁尤以居小墅者詩禮彬彬書香弗替蓋其祖德遠矣咸豐之季天地干戈而小墅左右則靜謐如常公方與其族侶梅上舍元章筱譜明經元潛等鬪詩社以相唱和於是浙西賢士大夫爭移家來赴投詩入社此小桃源聯吟稿所由刊也旣而寇氛及鄉吟社始散公乃避地於江蘇之金塘朱

觀察丙壽時幕游於外公代挈其眷與之偕行中途
其僕爲賊所虜公挺身入賊巢請諸其酋乃得釋還
邑人隨公而至者數十家公悉爲之賃屋措貲必使
得所馬孝廉光燮歿於旅邸公爲經紀其喪且歸其
柩公節衣縮食以濟人之急其好義蓋天性也公在
少年卽致力於詩古文辭不屑屑於舉業歲科試高
第入餼鄉闈鶚薦屢膺每一藝成輒驚其老宿其天
才駿厲有推倒一時之概中年以後經歷患難功名

之心因之日澹同治三年本省鄉試主試者南皮張
文襄得公卷奇之以第三場試策論遇病稍率遂置
乙榜公自是絕意仕進或勸其照例就職教諭則曰
男兒四十不仕則可不仕苜蓿官何足爲也公於地
方上之應興應革及一切慈善事業無不力任勞怨
以勉爲其難尙書忠愍公用儀介弟次雲閣讀用福
少時與公同游於庠年相若又以族誼之故志甚相
得同光之際邑中修志書建文廟構穀倉築海塘編

查保甲擴充書院嬰堂以及葺家乘建義莊等事閣
讀董其成無不資公之力以爲助嘉郡七邑海鹽地
形最高歲憂亢旱邑人以是謀救濟之法公首先倡
議開虹橋堰以興水利閣讀大韙之請欵開浚而事
卒歲公年逾古稀神明不衰猶日閱邸報常視朝政
得失國事安危以爲之欣戚甲午之夏與日本失和
則歎曰中國從此多事矣及戊戌黨獄起貽書忠愍
公於京師曰曩經兵禍吾身尙壯今老矣忍再見此

後民年譜 卷三
景象乎庚子之禍公蓋已預料之而公不及見矣已
亥十一月初二日病歿於里第公歿之前一日猶能
細書燈下處分家事公子森乙酉拔貢朝考錄取以
教職用歷任開化泰順等縣教諭孫寶炘寶華皆縣
學生能世其家

論曰古所謂鄉先生歿而可祭於社者公卽其人歟
公爲余舅氏故知其事特詳

廣文樹百徐公傳

子婿吳以成

公姓徐氏諱森字樹百幼穎悟讀書有疑義詰難困塾師稍長習時文試輒高等旋從同邑張肖巖朱桂卿兩先生受經義遂壹意治經又以經義必以訓詁爲階梯乃兼治說文昕夕下帷孜孜弗倦方是時洪楊亂事甫平東南諸省經烽火後書籍蕩盡如罹祖龍之禍又寇亂後士人生計日絀購書甚艱經籍善本猝不可得士之進取者競爲速化之術往往有五

經未嘗成誦而得甲乙科以去者公病之故於時文不甚措意而肆力於治經其後適德清俞曲園先生主講杭州詁經精舍見公經說擊節稱賞公遂以經術知名於時四方生徒請業者日眾公淡於名利鄉闈連次堂備未捷無愠色年近四十始以優廩生膺拔萃科光緒丙戌朝考名在二等僅得教職時公之族祖忠愍公官侍郎時人謂公京秩可立致而公不願也入都時初寓城外嘉興會館及揭曉乃允移寓

忠愍宅忠愍由是益重之試畢還南大府委署開化
訓導部選泰順教諭均謝病不赴杜門不出旁及九
流百家之書專心著述所著有自怡堂文鈔國策續
校六書形借說莊列駢言春秋名字解詁補公羊札
記史記論語學荀子續校嘿齋時文晚稿待月移律
賦小華胥試帖天元淺測代數叢草算學舉要代數
指迷校本今已刊行者自怡堂詩集若干卷特公之
餘事耳公自幼耽吟詠咸豐庚申年甫舞勺侍贈公

及諸耆宿避亂小桃源結社聯吟長老視爲畏友生
平讀書外無他嗜好不事家人生產不喜世故酬應
出門或兩足異履衣袖墨漬冠纓垢積久而不澣戚
友常指以爲笑公亦顧而自笑移時卽忘率以爲常
性溫良坦易辨論經史人物與人滔滔不倦他無所
爭競家故素封五十以前家政皆贈公操之五十後
公子寶斫寶華已能治家政故公未嘗一日問家事
至今鹽甯兩邑談公軼事者皆謂公之學問或爲他

人所能及至公之清福則縱橫數百里內前後數十年中搢紳之家欲再舉似一人而不可得說者謂公生有自來天實賚之其信然耶以成娶公女昔在甲午乙未間又時時問業於公知公也詳民國元年徐氏將續修家乘公子寶忻謂以成曰傳吾父者子爲宜以成敢以不文辭謹詮次其生平以俟後之傳文苑者有所採擇焉

於茲亦泯其異

且以如如以不文稱翰金大其主平以刻刻之與文

又泯解妙案乘公于廣泮館以如曰辨音父昔于欲

子心未聞又御細問業城公朕公出翰另國元爭翁

主齊自來天寶資之其育然阻以如契公文昔亦甲

至中晉縣之案始再舉妙一人而不西縣館音臨公

八祖詣氣至公之書編阻難難幾百里內前與幾十

